



道園學古錄卷之二十六

應制錄六

雍虞集伯生

供醮文

水陸會功德山

我國家

聖二相承深仁厚澤浹於人心累洽重熙多歷年所

今上皇帝濟哲文明纂承大業好生之德已洋溢於萬方恭

己之誠思貫通乎上下海涵春育無間幽明兩順風調大同

遠迩 聖恩盛大茂以加矣而萬幾之密猶垂念於隱微

九有之師或未該乎冥邈勝脩法會式究淵衷乃脩水陸冥

陽大齋于萬壽寺自二月一日啓建七日滿散乘法寶之威

光成金心之願力播蓋香華種二妙饌齋儀梵唄一一圓成

凡我佛子昔自多生歷酬定業或以刀兵水火或以疾難飢

荒沉迷五濁之惡塗未返一真之本性遇良因於今日得勝
妙之現前渴饑並獲於清源苦惱悉超於極樂來生佛土祇
奉明時回向菩提增崇

聖壽臣等迺稽首而作偈曰

聖上運大慈憫諸有情等作此大勝會供養佛法僧勇識妙
蓮華諸大阿羅漢畢支迦五明金剛大威德護法諸龍天九
哲往昔善持世四生及六道凡在苦趣者悉皆承佛力來赴
於道場心花得發明諸識轉為智一切現苦業消滅無復續
魏二大功德皆由 聖心起我聞昔有人積寶如須彌持施
得福多恒河沙難喻我皇勝妙因福報不思議視彼施寶者
千萬不及一我等佛子衆各生慚愧感稽首贊吾
皇聖壽千萬歲與佛共悠久

水陸會緣起文

原夫一靈圓妙本不昧於昏迷歷劫無明遂有淪於流轉我
佛興大憫念開方便門譬彼宵征遠道冥行荆棘之林我以
慧炬照之則前進無殊於白晝又如往濟大川忽遇風禱之
險我以慈航渡之則安行無異於陸途施平等於無方悉
抹 嗟幽沉之有苦尤切哀矜於是目連感定業而生悲觀
音化面燃而啓教十方諸佛共弘應供之名六道四生亦攝
菩提之海大士仰承於佛勅道場肇建於當年孤峯接雲海
之空明白日映江潭之澄澈神靈交會凡聖混融分八位上
下之殊作萬劫圓通之施傳流既久證驗尤多我
今上皇帝與佛同心如天之覆念生成之類已在於鈞陶而
冥靈之躡尚迷於出沒迺鑒人天之意大脩水陸之儀爰命
國師俾提法要迺以三月一日於大都萬壽寺脩建水陸無

邊法會七晝夜上資善逝之恩光下拯孤奄之陰昧香積普
熏於世界盡斷惡緣妙道應現於池中悉離苦網咸來佛會
共沐 帝恩道途極樂之鄉不墜輪廻之境共報 聖明君
乃說偈以贊曰

一切衆生皆具佛性如摩尼珠五色隨映如何累劫業識相
因無明展轉生死根塵我佛慈悲施方便力如大醫王救彼
痼疾餓者令飽渴者與漿幽闇與明熱惱與涼况爾六道諸
苦隨業不藉佛恩何由自潔 聖皇在上運大仁心樹廣慧
幢立功德林作此道場期七晝夜平等無碍均一高下光明
圓滿如佛現前孤幽沉竟懽喜慶筵如是勝因增崇聖壽億
千萬年堅固悠久

建國醮建壇青詞

荷天洪休膺國大統肇惟元祀奉若明經殊庭修秘祝之嚴

肅拜候景光之集伏願環紫壇之納陛闢黃道於叢霄天極
旋樞日星昞曜右祗薦社川兵燹玆用期泰定之民均被豐
成之賜

朝詞

聖祚在躬肇啓乾元之歲道官修禮不昭若祝之誠禱以
二鑿茲精一伏願乾元統御坤道順承時對春陽導本支之
密達紀增神策保宗社之尊安遂以生成均陶動植

三清

荷天地之洪休晉承繼序奉祖宗之成憲思究彌綸期敬達
於丹誠惟謹資於文教肅將蠲潔用極依歸伏願慶衍中朝
仁儲大本休明佑啓百神受我以安寧福祚延洪萬世奉天
而長久

昊天

入膺不緒有命自天載省眇躬無疆惟恤啓淵衷之至實感
真貺於太虛伏念此屬盛時俄慨堅冰之辯永懷讓德不忘
曠日之初心迺正誼以廓清期與民而寧一用發憂兢之慮
悉紓對越之恭伏願乾御陽剛坤成地道祖宗陟降同保佑
於高明家國治平丕顯承寧於悠久

右土

集基命於眇冲始建初元之紀覽幅員之廣彖益思大禹之
興祗若寶圖誕敷金錄伏願玄功有造至德無爲道致謹於
順承協成泰定物資生於厚載保合乾剛

醮星祝文

太陽

赫二太陽秉陽之精照臨天下運我皇明克循克軌永底隆平
大歲

翼二倉龍集于巽維紀綱百神運行四時相我君道壽我

歲右

於赫歲陽配于陰宮承于大君內治之宗以生以成登我歲功
金星

奕二長庚煌二啓明主我兵事宜順其經弗僭弗忒邦家以寧

太陰

明二太陰配陽麗天主國之刑勿成其躔以順以寧于以永年
室宿

惟乾之維是爲營室炳耀定中景命有翊廣開天門相我無

天剛

龍角在田帝車所持聖人之生次舍在斯攝提殺星萬壽是基

病符

歲德所紀主病有符視其棧祥傍射在隅於赫景命靈其祆除

大耗

歲有為神耗之大者集于乾隅衝照辰舍乃謹祇除勿害純損

煌一鎮星位下中宮行地無礙承天之功用集嘉福懿範是崇

小吉

鵝首之舍月后所臨東井洋二景耀昭赫扶我元懿萬福來歆

喪門

左挾丁符右換坤陽孰敢啟門當我吉居祈祇不祥以寧皇輿

金星

太白之精其神孔武憶我南西孰袂孰禦宜歛其勿問多祐

九月十四日高昌王大夫傳

吉作醜星文

元辰天罡

於惟聖皇受命于天斗車提綱龍見天田萬物振羨威信是宣以介景福樂只萬年

羅喉

赫一有威惟天之首日月之行交道幽是部垣兮照臨景命先復克相有道天子萬壽

室宿

癸二營室天之玄宮以藏以息肅二雖二乃瞻元台惟茲日之從錫福未央如定方中

小吉元辰

仿南以西爰即于坤東井洋二有濼其源肅一中宮景命在垣元吉之福既昌以蕃

太陽

赫二太陽曰躋于乾順德維坤承暉弗為忽昭光播和若春在

暉萬福來臨與天齊年

參宿

載瞻參墟明星煌二乃占其書孝謹忠良肅一中宮景命溥
將儼于聖明既壽永昌

太元元辰

有嚴太衝維震之宮青陽載熙木德乃通時維聖子景命是
逢導之太和被之仁風

太陽

日之行天至尊以光誰其承之維青之陽輝二煌二繼照四
方星輝月輪永保無疆

斗宿

斗為天機日月耀芒酌量政事彥進賢良於維聖子元台是
當錫福自天欣二樂康

太陽

東望扶桑赫乎九芒下被萬物麗天為章東實西盛靡朝敢
忘錫我景福於昭輝煌

太白

肅將金行司天之刑順軌出入厥有常經掠於軒轅占者以
告敬恭用祭景福來報

軒轅

祭二軒轅黃龍之體屬于內廷占者所紀長庚來于非順之
軌載祭載禳轉作多祉

太陰

占象于坎受陽以光配於大明流輝四方天清地寧軌道有
常介我景福萬壽無疆

太歲

歲維昭陽辰在協治神君所臨萬靈來合皇二景祚奉德秉
法我將我享嘉佑斯答

白虎

於蒐耽二為允之神為素為刑莫之敢嬰迎祭于西為禮孔
殷神其食之介福來臻

大耗

滿庭之過神則害号從而虛之孰可賴号占歲之行厥有恒
所尚易其高豐我多報

迎神

肅二靈臺三光下臨旨酒牲牢嘉幣言金肅將祀事罔敢不
欽赫二洋一神其來歆

送神

靈臺有身仙具來格其祥如雲其近如日嘉禮告成景祝秩

秩相我寶祚於萬千億

醮星祝文

迎神

肅二清臺曆象是司維天有神維土有祇爰潔牲幣以禱以
祈歲祀奉迎靈其鑒之

太陽

出乎賜谷升乎搏桑麗于中日照臨下方愛而煥煦畏而蒼
涼戚畹有禱降福穰二

太歲

煌二明堂歲君攸居位于鶉首殿乎坤闈東井洋洋土德之
基錫我嘉福順我禱祈

歲后

歲德至尊歲后配之黃裳元吉象服是宜理其內教以佐無

為沁園有禱卻除病苗

勝光

陰之始生實自於午於卦為姤柔順斯主皇有懿威元辰麗焉是用禱祠惠我安痊

土星

中黃正炁維土之神二氣上騰煌二向晨元辰有宮其光來燭鑒于戚即悉茲多福

婁宿

維主之生誕彌其月邈其元胎在魁之揭其宿維斐光耀燁燁除我疾疢安康毋越

病符

六氣不齊庶疾乃生維其司之有神孔明執其靈符以佐歲行禱以嘉薦惠我安寧

金神

五行之中金主肅殺有神孔威司是嚴伐歲行遇之伊怒孰遏享我忱禱毋敢凌越

災殺

診氣所生日能致災以殺為名不亦暴哉和以嘉醑柔以嘉脯順而好生永錫多祜

喪門

白馬素車人寔忌之執啓其門有神蒞之上帝好生爾獨何為攝而惛心安我感闡

五鬼

五氣之歸其名為鬼絀而弗伸有繁厥類載以酒漿道以車船既享而除勿為禍愆

青龍

星有角尾其象維龍蛇二 蛇二 東方之宮木德司春為善為仁永錫嘉祥百祿是臻

白虎

昂畢之上其象維虎有墟其武在西之許金德是司為義為刑尚斂其威美疾用寧

送神

陽主于德陰主于刑刑斂德揚陟降在庭既享既歆以安以順神還應遲福以時進

醮星祝文

迎神

欽若昊天觀象知微爰即靈臺秩祀惟謹大庖既享大尊既盈神其格思來享克誠

太陽

東望扶桑赫曦來升群陰既伏萬國咸承朝賔暘谷彝禮斯在齋宮告誠綏祿萬載

太歲

煌二 歲君臨於端門有烜朱方歲德攸存當離之明如日斯赫降爾嘉祥以輔有德

天罡

蒼龍之墟左為天田神蛟應龍景命所躔斗為帝車惟剛是指相我有道來錫繁祉

小吉

維鶉之首土德是毓是為吉神厚德嘉福宮壺嚴二 景命所臨徽柔懿恭式薦其歆

功曹

寅為人統其方析津肅二 青宮盛德惟仁煜二 箕尾保我景

命克長克安以輔明聖

歲星

盛德至仁所主為歲長養生成福祿攸系煌二景光臨照有方一人以寧萬國弥昌

羅喉

明離有神維南是司承其餘光劔戟孔威其威孔揚其福亦厚來降來享作我嘉祐

太陽

明兩作離繼照四方赫其有輝照我青陽青陽有煒百福來委俾熾俾昌以承天子

太衝

木德之盛次於震方至仁應規以佐青陽迺錫嘉福以暢元氣帝后萬年本支百世

太白

長庚之精司兵司刑燁二其輝輔日而行斂尔光芒順尔軌度以安以寧佐我昌祚

熒惑

赫二炎二揚光於天孰當其鋒奮烈莫前維國有道宜順軌則順行為福以相有德

歲后

黃裳元吉以順為則佐於歲君豐阜民物靈臺有祠敬恭禱祈陰陽理和百福是宜

青龍

東方蒼龍至仁至靈角尾之間赫乎明庭青旂蒼玉禮祠維肅蜿二蜿蜒二來降景福

白虎

允爲白虎至雉至武其德爲金威怒孰禦白旂素車象德以旂風其從之百祿是宜

送神

成象於天降靈於地國有令儀克致禱祀禱祀敬恭神歸匪遲天子萬年福履綏之

金錄普天大醮青詞

建齋詞

績述丕圖恪奉 祖宗之訓導迎景貺永綏家國之基冀輯福于眇躬暨息苗于中壺垂象每懷於示儆祈年尤切於好生伏願慶衍宸闈祚隆繼嗣乾和保合二光全而寒暑平坤厚順寧五穀熟而民人育

祈嗣密表

祇荷鴻休肆膺神器念

祖宗之付托思民社之依歸重惟

繼嗣之隆實繫本根之固敢嚴秘祝用格高穹伏願錫祚慶圖申受上天之貺儲祥寶系益崇萬世之基

皇后保安密表

宙奉上穹申言中壺克相憂勤之念每憂疾疫之虞冀道嘉祥用綏福履伏願高晨監格正氣宣通天清地寧保大和而合德家齊國治均厚福以資生

建壇詞

奉丕基以臨萬國于今有年類上帝而編群神肇修秘祝仰輯薄天之慶俯將率土之誠紫壇森列於人文丹闕昭回於象緯伏願天垂甘露地發醴泉靈風受職以周旋道氣成章而豐達永符至順字佑 皇元

第一日旦朝祭皇天后土三界萬靈上資宗祀先聖擬神冲漠垂祐邦家祝延睿筭保固不圖中圖

齊年本支繫術

月律應時卦極正陽之盛天根開景氣升清旦之初通變闔
於雷風妙流行於山澤均承主宰咸赴禱祈伏願
聖祖神宗陟降洋二而在上皇天后土卑高秩二以分儀延
發禎符用隆寶曆延齡維求尚期德之同錫羨有輝更應
多男之祝

午朝祭日月星宿祈日月齊明星辰順度

離為日坎為月瞻陰陽交易之機天應星地應潮察上下盈
虛之候儼宸居之伊迺望景之方中敷宣榮愛之文藹步
琅霄之境伏願赫曦繼照煌二旁燭於萬方素曜並明肅二
順於九道帝車臨制四序
雲漢為章五緯成若副此
乾之兢惕錫子郁二之嘉祥

晚朝祭五嶽名山祈社稷尊安宗藩輯睦風俗醇

厚百辟忠貞

觀符瑞而告功升中斯在出雲雨而及物望秩攸崇巖二民
庶之具瞻肅二天真之下治即秘祠而用幣及初夕以飛章
伏願方嶽奠封靈祇受職宗藩輯睦永綏磐石之安風俗清
淳長被喬雲之覆

第二日早朝祭聖帝明王先農后稷消穰水旱蟲

蝗祈五穀豐稔民物阜康

繼天立極曾惟上帝之聖神開物導民實贊無為之化育道
秉機緘之秘教興衣食之餘功叙九歌業隆萬世藉白茅而
明薦望素履於虛皇伏願無聲無臭以作孚鑒此小心之昭
事不識不知而順則密符大德之好生民風馴致於雍熙國
祚誕膺於長乂

午朝祭風雲雷雨祈風調雨順寒暑應時

鼓以雷靈潤以風雨弥綸功用之神求諸形體原詭性情主
宰玄元之造觀萬物散殊之迹知兩間旁薄之仁無爲而成
有相之道日麗端門之景雲開祕笈之科伏願天德潛符歲
功咸遂九農百穀無旱乾水溢之虞四海群生享安靜和平
之福庶釋憂於宵旰用和惠於春秋

晚朝祭四海四瀆祈山川定位海宇清寧

一元合氣乘風澤於洞虛百谷來王出淵泉於溥博首五行
而美利潤萬物以資生貨殖用興舟楫以濟稽古玄圭之錫
沈茲蒼璧之章伏願地平天成府修事治上書保運制衝瀆
之洪波寶籙宜年動滿盈之甘澤民安居於樂土國養德於
長源漸被所同旁薄無外

第三日早朝祭三洞四輔經錄傳教宗師祈百神
效職臣鄰忠孝國祚延長

太元結氣冥思浩劫之初妙有垂芒朝徹延康之上黍稷化
上於物始傳流神寶於人間保昌運以長存握真符而不宰
將輯簡穰之福茂陳敷落之篇伏願乾曆開天坤珎闡地種
氏在宥賜言清靜之風景命溥將相協玄同之造忠言彙進
道德弥光

午朝祭左社右稷城隍社令祀典神祇祈氏樂太
平物無疵癘兵寢刑措疫厲潛銷

泰社之上五色重嘉穀之姿豐方澤之樂八成致幽祇之畢
出帝命作九圍之式神靈會萬國之封力扶玉乃之安寅奉
璇霄之降伏願泰階昭晰坤道順寧物阜民康無疵癘札疢
之害兵寢刑措皆生聚教養之時以至永年並依玄造

晚朝祭九壘土皇幽陰主宰皆度忠臣義士兵死
橫亡六道四生俱登道岸

禮樂鬼神信顯幽之一致生成變化知闔闢之無私即昭明
焄蒿之間布風雨霜露之教二光攸燭九夜斯煌伏願帝命
平招天陽來復下抱犀申禮余忠義之魂瓊簡羽章起厥幽
沈之趣羣類並躋於道岸泰和無協於明時

散壇

五時列祠燁二紫壇之燦火九宮飛步雍二碧落之空歌備
成終節之朝敷散瑤華之景文科有誠至敬無文伏願降
在茲達玄黃之玉氣福祿來下生丹碧之芝英普與群生泰
承嘉惠

設醮詞

三清

奉承寶位對太上之顯光得佑眇躬攀淵莫而忱禱肅清瑤
館修設金科伏願元氣絪縕具風高以官家作胤膺福壽以

咸宜宗社臣民荷禎祥而均慶

玉帝

維天與祖宗既全界付自身而家國悉有禱祈爰啓真科用
干洪造伏願鑒觀微懼字佑眇冲保和宮靈之安錫羨本支
之盛至于臣庶共樂生成

星主

星環次舍仰瞻天極之尊氣幹陰陽妙宰帝車之運景光來
下祕祝用陳伏願司命紫微自中宮而錫福儲祥寶系率下
土以蒙休

天皇

坤拱神圖妙兼萬幾之會坐臨華蓋旁分六甲之司歲祀殊
庭承禧穹宇伏願抱極樞而環照皆占至順之祥奉天一以
尊居增授泰元之英

后土

奉若柔祗配皇天而立極統臨廣寓宅吉土以升中為國有
祈維靈斯答伏願群生成遂九有奠安玄乙親祠綏保徽音
之嗣黃流用裸燕貽翼子之謀

至順二年十二月二十三日祭星常國公奉

旨命撰祝文

迎神

灝二圓穹三光昭明四方八維柔祗利貞蜡通百禩歲事告
成犧尊多儀來享克誠

天剛

天眷萬方篤生聖明受命溥將攝提建貞天田之上左角所
經蒼龍致福萬歲咸寧

羅睺

受天明命百靈翊扶旁燭有光赤燦之餘首乎天經形隱弗
舒戢爾予戰迎祥帝居

室宿

河有天源木貴天根帝命降祉元台為尊定之方中煌煌燁
淳推而祀之善福之門

弔客

昊天成命如日斯照運行推移載占其小有客冠素適據隅
兆祝而被之易號以笑

小吉

乾以天健坤以地厚鶉首之墟土德孔阜肅肅中宮元命昭
禧六五黃裳元吉之繇

太陽

日以像君月以像后陰承陽輝萬福備有晨光熿融晝景煥

明以壽以安以生以成

參宿

參墟耀靈土德長生台息其和發為滋榮正位居體西南利貞培本長源萬福來成

金神

中宮土德位南之西太白流英挾威以躋雄毅肅嚴戈鉞利犀尚革而從降福孔皆

太衝

煜煜青陽震雷之門玉兔肖類蒼龍儲恩帝胄天錫景命翊元東望孔祠扶桑載職

太陽

肅肅紫微前星有輝上承天光仰接日儀煦煦為春明明在時陽德粹純品物咸熙

斗宿

星回于紀斗臨漢潢璧合珠聯三辰齊光震夙元合肇此青陽司中有神源深流長

白虎

木性東榮金行允騰刑德之交史謹其徵於菟耽耽負隅若闕率義從之析報斯稱

病符

六氣之邪物執其契處行神從臨午之位青陽占運道與之值祝以獲精安和允濟

太陽

靈臺有祀報本主日仰瞻光華我神履歲周星回天序有秩牲幣敬共嘉惠申錫

太歲

日月次周成我成功百神具來群蟄畢通明堂嚴嚴盛德容
容享我報祈以興嗣豐

青龍

龍有天德維木之仁大明生東歐歲發春時而淵潛時而奮
申施惠自天至于庶民

歲后

赫若歲陽其配在陰以肅內治以保中臨丁女癸妃其從如
林通幽達微鑒德以敬

送神

神來如雲神息如雨彌天映日惠澤周普歲行維新扶祀咸
與相于皇明永作神主

黃籙溥天大醮清詞

建壇詞

歷念先朝帳神遊之日遠言修祓祝道靈氣之時升闕上皇
以通誠建紫壇而經始伏願懸珠空境扶玉方與風馬雲車
順陰陽而降降龍章鳳篆舉幽顯以鈞陶

第一朝回薦皇朝宗廟

列聖神儀

肅肅在廟永懷弓劍之遺濯濯厥靈恒若雲壙之見爰資神
筭用導英儀伏願 列聖齊臨萬真環拱黃質出日返往駕
於中天妙合迴風發化機於厚地

第二朝回薦

扎牙篤皇帝

企仰山陵想音容而永慕願瞻霜露感時序以增哀爰即紫
壇奠廼玄馭伏願天健其行而無息日窮于次而又新神氣
昭明武慰臣民之望景光旋復更貽胤祚之安

第二朝田蕙皇親國戚一切靈儀

藩屏國家實為本支之盛流淪泉壤每傷幽顯之殊溯璇宇
之流光迴銀潢之逝水伏願會陵絳闕受煉朱陵
星辰還復生民之始

第四朝田蕙后妃公主嬪御靈儀

禮禴在御歷思懼極之尊卑服充庭徧念穠華之盛慨生存
之弗永致薦悼以惟勤伏願施德自天資主源地性靈不昧
澤然幽滯之懷運柝無疆乃會聖明之樂

第五朝普為勳臣宰輔文武官僚

追懷神聖脩於薦於嘗實爰念臣鄰
於金錄庶仍從於境輿伏願受日之光奉天之佑主境濟之
匪王國以並生明典昭
秉民憂而不昧

第六朝普度兵刑橫死男女眾鬼

內修外攘寧免兵刑之用上征下暴更深泉壤之悲拯無告
於重陰寔有資於大造伏願天光旁燭地氣昭升斯者續死
者生頓釋幽閑之故想病者愈憂者樂亦為化國之新民

第七朝普度普大率土兆姓群生苦爽窮魂幽靈
等眾

國家每念於生靈則脩治道體魄或淪於苦趣更轉化機啓
勝會於十辰廓迷塗之宿業伏願陽開陰闔天地生執錄
把符仰至真而得度葆和正性囿大化以長年

第八朝專為和安天地調順陰陽保國寧家康民
阜物

存順沒寧極幽明而無憾往禪來續妙化育於不窮宣金錄
之玄文保羅圖之景運伏願乾坤毓德日月垂光列聖在天
共敷恩於祚胤一人有慶永錫福於臣民

第九朝昭謝皇天后土岳瀆山川陰陽主宰

天佑邦家摠基圖於九有日臨海宇妙樞紐於群生仰三景之高居罄一忱而昭謝伏願降年有永錫福無疆凡在臣鄰咸保忠貞之節庶幾民物常依道德之光

解壇詞

肅肅紫壇既備九朝之禮煌煌金籙益增列聖之光熙事告成誠心字格伏願神隨天運福被坤輿瑞日祥雲常麗曾霄之景太山磐石永隆禹世之基

設醮詞

三清

天眷基圖列聖繼守成之緒時因曆數先皇成賦代之期敢緣追遠之初心普致闡幽之忱禱伏願開明三景敷落五文九轉成真既備生神之妙百靈交鬯復還家帝之仍錫壽

祺井祈康

玉帝

昔扣玄穹導近親之神識端臨素樞致大寶於嗣君乃陳祕錄之科溥濟幽關之趨伏願昭宣天德旋復氣機陟降帝傍九族逍遙於金闕下內群生成遂於壽圖申錫長年永依妙道

后土

基圖鞏固每歎具尊載之功體魄歸藏謹候昭升之旨降璇宮而來享鑿金籙之敷宣伏願效法成能資生有道劫神太極齊日月於中天合景至陽綏子孫於下地

東極

先皇賦代因軫念於幽局上帝好生爰禱祈於東極異瑞光之遠逮引群識以俱超伏願甘露林慈雲就日丹寶蓋

並從妙道以高居玉曆金符永鎮生民之極樂

風伯祝文

東朝有命祇肅元壇上帝鑒臨萬靈率職咨爾風伯塵路惟清戢暴扇和熙事用成急急如律令

雨師祝文

咨爾雨師灑道是司和陽散陰相成祝釐

皇后修設黃籙大齋齋意

言念宗親將薦誠於既遠遽罹大故屬在疚之方深肆嗣皇繼序之新甲前日額天之實普超幽爽咸濟生靈伏願道妙無方真游如在升九霄之神氣衍億載之昌圖九圍化工並承德施

正薦位白文

言念先朝 列聖帝室懿親蚤造體魄於人間思導神明於

天上鼎湖弓墜俄興臣妾之悲丹闕禮成既得基圖之托及燕休於長樂申祈禱於太清愴然霜露之寒恍若風雲之會龍儀虎衛陽光照灼於朱陵具闕珠宮明水激揚於東井願金支之並濯與玉氣以俱升穆穆乎秉德以肅雍洋洋乎在帝之左右輯和九族驩娛還若於生存旋歷曾霄感爽頓忘於凝滯返至真而無外與造化以爲徒况王政施仁必先無告而大鈞播物何間有生更推滄海之餘波徧及幽閔之苦趣妙機所運道化同超明則復爲人亦我聖神之賜歛而錫之福庶乎寬大之恩嘉與明時共躋壽域惟天地日月合德合明保子孫黎民能安能乂

孤魂榜

生死者晝夜之常汝勿認昭昭靈靈之識坎離者乾坤之用吾以開生生化化之基茲者清朝稟承慈極尊尊而思逮於

九下親親而念及於幽遐導揚 列聖之法筵普惠重泉之
苦趣如茲良會實號希逢汝孤寡等昔受天地之降衷其初
皆善各累形氣而逐物以妄為常貪者徇財烈者徇名忿則
如山忿則如澤極沈淪而愈降恣飄蕩以忘歸因根接塵隨
境生解為寒冰為湯火皆其一念之差為鬼域為豺狼遂入
萬殊之變原其名數何可歷陳我是以廣太上之好生推妙
嚴之濟眾酌黃華於東井蕩尔形骸耀丹冶於南宮陶其灵
質宿業不存於故想化機更造於新成不瀕不焦尔可以見
本真之不昧能流能焰爾可以驗道氣之常行承茲二景之
開明即詣諸天而受度更無退轉並樂超升

正三門

華蓋北瞻天帝座蓬萊東擁道家山

啓玄殿

只尺天光開玉府萬重道氣見金容

正薦位

雙鳳駕雲開輦路群龍環日護天香

摠真殿

春堂寶漢二台貴朝步星辰四輔尊

萬法宗壇門

綠章封奏通二景絳節趨朝引萬神

殿後西門

玉殿受籙春意滿竹宮拜祝景星明

北斗殿

慶雲郁穆承天闕景緯昭回共斗樞

殿後東門

仙音縹緲鸞凰合神衛森嚴虎豹間

景曜殿

三光合景扶元氣五緯齊明報德星

寥陽殿

五文結篆間天極九氣生神象帝先

朱陵府

九華曲蓋迎司命七寶芳林上好生

齋廚

金鼎蟠龍甘露溢上芝成象大庖盈

齋堂

報聞千歲蟠桃熟約取九霄飛佩來

交郭

真就此間存活計便教向上得光明

祭風伯文

維風有神在巽之位地附天而不墜持舉於中陽旋陰而時
行扶搖直上今則至尊有禱上帝來臨伏願宣靈氣於八門
穹祗翕合卻飛塵於九地宇宙廓清

祭兩師文

恭承帝命祗祀兩師出雲氣於山川彌綸瓊闕灌天章於河
漢飛洒玉都今則肇起玄壇導迎法駕伏願六龍調馭順和
協於陰陽萬物潤滋肅澄清於天地

長春宮祈福保安齋意

上天眷佑長貽宗社之隆至道冲盈式衍邦家之福屬偶嬰
於疾疢爰謹事於禱祈伏願聖鑒昭回祥光旁燭身逢康泰
暨中壺以平安運協壽昌與多方而寧謐

青詞

治平之運仰荷洪庥疾疢之生敢忘忱禱爰命羽衣之士敬

敷賢笈之科伏願五帝儲華三光協德身康疆而逢吉有永
壽祺國清淨以無為均蒙福惠

崇真宮祈福保安齋意

丕承付託仰資天地之和祇有啓居偶感陰陽之冷喜端臻
於康復爰謹致於禱祈伏願輯福上躬錫禧中壺前星炳煥
協家國之尊安景貺熙明及臣民而定壹神明垂祐丕顯隆
平福履愆和偶嬰疾疾敬祠琳宇備歲琅科伏願景貺來臻
壽祺永錫康強逢吉承宗社之安化育成功長乾坤之造

祭海神文

潮失故道犯我鹽官有司捍防民力既殫閱歷歲時靡漬茲
害浙郡多下恐就淪敗民實何辜不德在予相臣來言交修
用字乃勅中外悉智展力相爾有臣亦克受職我土旣固民
生底安六府治修報祀萬年

祭伍子胥文

爾以忠墮主湖于吳潮今為災吳其沼乎爾其揚靈具訓海
若俾安其常毋作民虐旣止旣安民遂有生爾作明神永有
令名

大龍翔集慶寺正殿小上梁文

伏以龍光有赫象教方興式嚴前殿之崇祇奉祇園之勝上
棟下宇方締構於良工細捕大業並具材於貞幹成規斯在
願力維弘伏願天相聖心佛加神運百重闌楯移來天
慈雲萬歲山河永鎮人間之福地

吾殿小上梁文

兜率化宮移來地上梵天新刹示現人間坐延衆佛之臨殿
有四阿之制鉤心闔角先崇締構之宜審面飭材已具經營
之素式觀地架儼若天成伏願龍象翊扶鳳皇翔繞丹青金

碧赫然佛日之輝黼黻文章永著 皇風之盛

六龍翔集慶寺正殿上梁文

伏以虎踞龍蟠即淵潛之佳地雲興霧湧建梵釋之新宮魏
巍中正之居赫赫大雄之座欽惟 欽天統聖至德誠功大
文孝皇帝惟天為大如日之升經綸既正於洪規崇信不忘
於願力美矣善矣大成舜帝之節韶經之營之匪為文王之
臺沼我佛有護國救民之助 吾皇示報功崇德之心黃金
滿布於祗園華構上移於梵率式崇大殿爰舉脩梁相我工
人陳茲喜頌

拋梁東

日上扶桑散曙紅鹿苑珠璣涵曉露鍾山
草木動春風

拋梁西

石城突兀護江堤舊遊曾見群龍舞均幸
猶聞六月雨

拋梁南

蒼龍曾此卧江潭風雲會合三峯一山谷
傳呼萬歲三

拋梁北

瞻望帝星臨萬國山川誰為地東南形勢
只知天咫尺

拋梁上

白玉毫光千萬丈 吾皇還似覺皇尊龍
象人天皆拱向

拋梁下

亦有憐憫千萬重彌天法雨本無私滿月
明珠寧有價

伏願上梁之後

皇基鞏固紺宇尊高紀億萬年共祝
聖祥之壽編大千界同沾殊妙之恩萬歲萬歲萬萬歲

吾教上梁文

伏以浴日九淵現預符於鐘阜承天八柱建名利於治城爰
開之廣之筵用祝周阿之殿欽惟

欽天統聖至德該功大文孝皇帝清明有錄故舊不遺驚起
新河萬斛綵舟之容與風歸天關七重寶樹之檀藥九轍跡
之所臨宜珠光之共護脩梁壘舉善頌斯陳

拋梁東

萬丈紅光接寶宮古佛昔來龍繞座高僧
時謁錫飛空

拋梁西

長安日近碧雲齊但依具闕瞻龍象即是
鸞輿慰老倪

拋梁南

千年王氣現優曇浴龍池水皆功德擁日
山峯畫翠嵐

拋梁北

上意每憐江樹碧紺宮留鎮國南門華蓋
瞻依天北極

拋梁上

紫蓋紅雲春蕩漾舉頭見日庭民心思佛
思君同一想

拋梁下

慈雲思雨均沾灑二年以至萬斯年長樂
昇平承福報

伏願上梁之後 皇風遠播佛日同輝四字八荒揔被覺慈
之化億靈萬載永歌帝力之加萬歲萬歲萬萬歲

退園學古錄卷之二十七

歸田藁一

雍 虞 集 伯生

賦

東臯賦 爲趙德莊作

出東郭以騁望得逶迤之方臯窈窕脩筠之舍盤桓嘉樹之
 高秀野綠綺長渠翠濤界畦疇以分畫列藩籬乎周遭汎崇
 蘭於舊畹薦幽澗之新毛鳶魚樂兮天光雲影之動蕩虎豹
 蔚兮山輝川媚之薰陶結幽居以靜好不窺園以爲傲或視
 明星而弋鴈或饗朋酒而包羔其有棄敝履於軒冕託遺響
 於歌騷者乎吁嗟惟麟黍稷在畿眇故封兮江海悵王孫兮
 不歸載耘載耔載裳載衣忽十世其將遠挺三君而奮飛奉
 賢書以造廷並榮名於常旂鸞翔鳳翔赫其有輝值炎精之
 旣淪遽歛翮於熹微於稷季疾知德者稀中田有廬兮種瓜

北山無蹊兮采薇悄悄隱憂兮顧懷懇懇蓄畚兮疇依慨膚
士之不億懼俯仰之多違侃侃廣文特起無倚內有明賢之
助外嬰憂患之酬二親高年一身百謀煦煦陽春英英涼秋
屢專席於名郡常曳裾於諸侯觴詠不間於絲竹旨甘頻及
於交游積累之勤百福是適婉婉子孫食德不渝嗟予少時
迎于名門揮弦飛鴻垂綸遊鯤老至不知車懸身存文章載
露黯然銷魂訊故老於岑隅索履跡於崖根秀娟娟兮既長
鬱蒼蒼兮彌尊孰辟出於醉鄉樂舒嘯於丘園晨光粲其盈
庭鶴鳴聞于九天黍稌既豐華實載繁俎豆衣冠古而又文
東臯之人其昔之桃源也邪

芝亭來言

古詩四言

環洲詩爲蔡天璧作

溪有清流環我中洲襟華鮮明芳草和柔詠有文君鳴有睚
鳩采采遊女侃侃良疇載泳載游在我中江遡遡無端沿沿
無止既采蘋藻亦有蘭芷觀彼嘉魚一日千里彼畎彼畝皆
爲方田分合雍丘我流壁旋星迴于天雲媚于川君子樂豈
眉壽永年言命輕舟言載百壺駕我乘黃履我雙鳧沉沉彭
蠡至于匡廬詠歌以歸清風載途

冰雪相看亭

趙君有道之先故宋南渡時自東都徙分宜三百年于
茲矣其大父登進士第仕至文林郎湖北憲司幹辦公
事其父兩舉江西轉運司進士覃恩受官宋亡不復仕
城東故地美竹萬箇作亭其間而隱焉名之曰冰雪相
看信國公之子平遠宣慰之所題也有道信厚敦愿衣
冠容氣翩翩然有王孫公子之遺風敏稼穡以服徵賦

謹詩禮以保族姓無外騫無妄求弗變其父之志以老
其身以長其子孫是以士君子稱焉夫元亨利貞之爲
德猶春夏冬秋以爲時也君子觀乎運序以自處則合
於時措之宜而不過焉方其以振振麟趾之賢處富貴
之極則大亨春夏之時也自其來南族蕃以久非秋之
利乎其在有道爲冬之貞無疑矣冰至堅而不折雪至
潔而不汙凜然相者不接於他物誠得處貞之道也予
聞而善之故爲之賦詩焉

挺挺直筠琴岡之陰豈無春陽匪今斯今高宜於天下蟠地
深不易其節侃侃素心豈無膚敏曰駒駸駸我獨考槃樂乎
幽林堅冰在淵積雪在岑獨往不迴悠然行吟采采紫芝園
綺是尋遠求陶生撫我素琴邈乎古人副我夙欽

竹林七賢圖

瞻彼脩竹下臨清流文石偃隄華松蔭丘植表界壤翦茅宅
幽梁度高巘臺隱中洲方床讀書異宮同休詠歌相聞觴豆
相求或時名藥或釣游儵課藝至嘉植坐思遠游濯纓微波看
雲良疇逸而不放儼而自脩泰哉沮溺邈乎巢由按圖以觀
永宜春秋孰若五君遺其故儔糟粕塵世高踪莊周我懷古
人遐而違憂安得揮弦以招湛浮

竹溪六逸圖

悠悠逝川矯矯逸民携書相從敷席水濱支頤負暄揮羽却
塵躡屐遠道隱几重茵幽響中發虛觴載陳投我嘉實含和
茹醇優哉悠哉及茲良辰山有鳴鳥郊有游麟濟濟以寧我
懷古人

古詩五言

題汪華玉所藏蘭亭圖

衡茅負晴旭有客至我門共披會稽圖山木盛續紛衆賢坐
水次飛觴汎汎云夷曠各有趣高閒知右軍幽情付後覽陳
迹感前欣悠悠千載來不異更旦昏探穴問神禹望海悲秦
君逝者皆如斯死生固奚云所以鼓瑟人思從童冠羣春服
涼新浴歸歟聊永言撫卷不知老遐思在茲文東南極積水
日暮多浮雲

寄題曹元賓尚書臨流圖王繼學參政畫

昔聞適炎服中道臨清漪瀟瀟蕩蕩荒日悠悠動寒颼來者何
滔滔逝者不可追聖有川上歎晝夜固如斯解纓手自濯浩
蕩忘險夷高人今摩詰萬里同襟期抽豪寫幽思帶雨更題
詩三年反田里春河釋冰斯舟楫繫野樹濯沐晞晨曦上堂
喜懼集艱辛謝親慈入室換野服登山采靈芝庶以求年壽
豈惟療朝飢開囊見舊物感慨深添之歲晚金石友看雲立
多時憐我不共看寄言令我知來鴻春若早去燕秋易衰近
遠不相覲加餐慰遐思

玉隆留題

仙真治茲山重阜隱延廣冲奧元氣會蓬蓬至法靈響與世作
司命神宇廓弘敞及門春雨來玄感副夙仰摩挲晉時樹託
身何蕭爽千載抱微息日月共來往欲爲黃髮期日待紫芝
長上天垂光彩月出江海上故人不可持惆悵理歸鞅

黃堂留題

雲館息塵鞅夜聞春雨聲溪水傍階長仙茅新綠生曉氣動
原野曠分見夷平神真昔來合觀泉宅幽貞儼然師弟子歲
來會秋清遺民千載後高宴從蕭瑟因嗟蚤好道晚歸濯冠
纓矯首望遠海駕言羽翰成神仙在平地崎嶇愧凡情太乙
有移石中洲良可營

記夢

夢行衡廬間千仞過蒼壁崇高仰神明深廣下不測雲雨蓄
盤礴時至如欲出網緼尚回旋揮霍勿奔逸物恠匿岩穴懷
若俟霹靂黑波汎高樹木葉走崩石升身登玄閣縱觀龍變
跡俯視九州野草木有輝澤乃在風雨外手畫素三尺揮豪
極動盪落墨更沉鬱圖成示坐人共嘆不可得願瞻以踟躕
恍惚增歎息因之命肩輿出門聊有適大衍何舒舒白鶴從
數客畧經幽澗濱便上青松側憑高望遠水變景湯虛碧拂
石共客坐芳草藉尻膝忽然聞鐘聲睡覺北窗席

次韻陳溪山樓履

頗憶蜀井西樓欄每易討披心割魚子束皮充慧掃澗工巧
紉履文織象花草輕鬆隔沮洳緩步得堅好長跪獻圮下會
期後二早知君貴賤履涉降恒有道憐我涉拙深虫誠不待

造兢兢歷淵水縮縮奉師保時行不違矩庶慊歲年老

其二

解鳥還上方歸山據枯槁禁足結僧夏陳編謝探討隱几或
過晝凝塵遂忘掃行庭不見人誰或踐生草寔由筋力衰無
復馳走好前年當此時嚴召出城早追度龍門水賜見沙領
道鼎湖忽踰年如克罷趨造感君素履詠幽貞可長保番番
茹芝人長歌豈知老

其三

六月乃屢雨良田不憂福獨念桂林戍觸熱赴南討道路備
攘掠所過淨於掃縛人夜送軍吏卒何草草蠻獠亦人類義
利啓戎好尋原可制亂機要貴及早夜來送者還頗言喝橫
道諸軍四面集同月約皆造誰為飢渴謀性命安可保藜藿
雖滿槃對之令人老

浮丘公吟寄赤城陳道士入山有遇爲溪山壽

浮丘生上古形神蓋不泯說詩秦漢間安知非斯人世俗苦
淺迫無能信直溥雨雲不待族飛光越窻塵豈知有道者千
歲一息勻金精歷可鍊色重無磨磷蒼蒼紫玄峰只尺天北
辰神明寂已定尊高此依因握機稟元化同流溥無垠所以
赤城子從師踐荆榛三周日却中志確神乃親廬間玉雪相
旭陽射光新稽首受餘啜骨換非昔民不遠恒在茲矐然願
知津先生旦有聞爲恭若逡巡賤子請執御端輓駕飛麟

爲燮理普化題陳立所作龍眠山圖

燮侯起高科得邑舒水上民淳事稀簡田野甚夷曠戰爭遺
跡泯山水良足賞幽棲南昌尉英爽赤壁將古仙家白雲美
人化黃壤岌岌龍眠山一士獨可尚高懷托千載妙畫極羣
向來讀書處春雨草木長夷遊昔賢遠瑤席共來享彈琴

坐終日微泉散清響來者安可期徘徊以悵悵畫圖記彷彿
聊以慰遐想

和陳溪山韻

幽人慎素履古道思獨往曠目登高臺浮雲不足上丹砂煉
仙骨沈瀟濯神爽遠懷登江靜耿若孤月朗河漢自傾注山
川邈游想歛跡倦飛翼歸耕故時壤好風從東來空谷感遺
響詔書薦遺逸郡府屬高仰聊持東湖水往助敬亭賞

和陳溪山送蘭花韻

幽林有藪蘭菁菁秋不衰憐彼采藥人不識敷榮時涼風動
綠葉清露生華滋世傳神農經圖書竟空披深根寄連茹藉
以瓊瑰詞同心求爲好豈但服食宜先民昔有言所貴希見
知舊聞絕行仙挽有童孺姿南陽有黃華西山多紫芝度世
未聞道咀嚼空靈枝湛一保冲烈執御正不奇靈苗無助長

無爲以熙怡始信斷金利終古真不移千載同一息敢忘君子期

送空石印公還徑山

東出楞伽室西望香爐峰曲折披翳藿蕭條倚枯筇然燈共
過夜曝日忽經冬天山斷綠想海國識行蹤忘言及生滅抽
簡托踈慵追憶塔中相表茲雲際封螭父謝五鳳求護煩雙
龍

題張觀海所携虛舟竹所一毛圖

虛舟倚真卓脩竹相因依水木有清華魚鳥淡忘歸蒼群晚
色靜鶴羽傍林暉似是鑑湖曲幽栖掛朝衣古道日已遠昔
人相見稀蒼溟寫雲霧蓬壺是耶非

送龍翔高獨峰上人還金陵

承詔寫宮榜馳使出丹闕黃金射江海光景依日月迤來

十載感遇嗟白髮神靈在雲漢賦畝慨明發祇園何潭潭夙
志返超忽幽士住精舍諸妄久息歇浩劫鑑止水高峰獨苗
翠觀察勝願力知我心兀兀清風不可執振錫出林樾

送海東銘上人十首

用雲云乘段出海帶帽梅柳度及江春不為映

積水衆鷗滅春空鷓餘雲捲室坐脩竹天花散繽紛上人東
海客來去何見聞飛錫還日下珠宮浪法法

日色出海水千波散明霞一杯承足來九載不爲賒要觀香
爐峰折蘆長風沙微吟動林響蒼龍送浮槎

我昔參秦霞東望候日出子從日下來海水中蕩瀟坐受龍
女珠簾垂夜光宰持逖定何有長空斷鴈一

爲法不辭遠遨遊歷年載衣中得故珠終夜動光彩還持一
支韋歸泛萬里海駕言乘桴行沙際如可待

旨蓄崇虛豆生芻良冰署無堪餉遠客葉下卷爲住行囊掛

至壁破榻夜風雨神光發慧劍耿射東海曙
燕坐共禪月行吟向孤梅有懷匡廬山老人爰崔嵬洗鉢三
峽水振木東林臺乘槎動歸思欲去更徘徊
山居如老禪坐致不請友何方簷下雲識我門前柳翠竹不
碍山黃花紛在手未覺酬對難離妄亦無取
老胡昔東游勝士乃西度到岸無彼此不憚弗筏獲要之心
本空一了不移步龍宮解相迎黃金已先布
百鍊成利器千金來海邦清霜凝秋水國士歎無雙持正行
正令魔邪孰不降觀子製名字高風凜寒江
止觀覓心要律儀檢凡身密言轉相付海刹幾秋春音哉善
根熟一徹無逡巡子來得何法歸報日邊人

楚石琛藏主自蔣山歸却欲就叢林閱藏同舟清
江之上賦此贈之

手携北山雲却上西江水月明洲渚生葉落風不起虛舟不
移棹寒波釣金鯉銀河轉碧落北斗去天咫龍吟匣中劍虎
躍弦上矢殺機誰敢當吹毛豈輕試貝葉啓千函木榻脫雙
履惟應勝壁觀悠悠度年歲

題東郊山房

秀挺東郊山雲氣常覆之林丘翳幽潛流泉發芳滋盤桓在
中谷良疇漾清陂開堂直岡景長年誦書詩孝友夙所敦求
道遠有師雅志尚端潔凡近諒難知康樂昔賜履詠歌足遐
思啓書訪前聞往跡無所遺瞻彼南澗松深根連喬枝亭亭
植高節鬱鬱含含姿衆木不同泯悠哉副深期

題蒙庵爲黃石谷賦

東南有高立下臨萬家邑汪洋泱春潤沃衍盛秋入群山若
浪波起伏翠重襲靈運好奇險高平罕相及幽人園綺間周

覽度原隰隨山導清泉積石拾層級結庵以蒙名果行信所
執良時一來游朔月九交十門當星斗高隴卧風雨濕一川
燈火歸賓從雜車笠登高愧能賦騰身竦山立

爲黃氏賦大雅詩

岐山鬱嵯峨鳴鳥昔有聞周公盛制作經綸以弥文朝事接
燕饗勸勞兼賓軍肅雖述盛德工歌替前勳流蕩兼濮靡何
由返咸雲陳肆輒有見吳季真不群公子有古絃歷然宮徵
分大雅忽有作青春日方殷高堂以居之樂康永欣欣

己卯十月廿二日從宜春郡幙嚴伯威觀南軒新

閣登舟有賦却寄同游者劉粹中賢良

茲郡多美泉小大各有神深潤浹温厚草木何光新披圖閱
名世顧皆仙佛人退儉寡外驚懷哉此良民退之文既遠泰
伯學未醇昔我朱與張遺言存經紳東湖有新閣下臨南澗

濱周眺忽已晚皎然仰空旻虹梁亘溪流落日車馬塵曾丘
間叢祠鍾鼓嚴昏晨江潭嘆搖落名邦感宜春爲治古有道
川原隨所因華構相爲雄大雅竟誰陳移舟古峽口西望蒼
嶙峋浩蕩無與語逝波絕垂綸

秋堂

秋堂者臨川吳生文明之親舍也生才甚清美賦詩婉
麗無塵滓之汨觀其同門未之及也昔胡邦衡以詩人
薦朱文公大儒豈以玩物以成名哉性情之正冲和之
至發諸詠歌自非衆人之所能而士大夫各以其見見
之耳生未可自喜自畫也是以爲賦秋堂詩云

閭巷多置塵秋堂獨高深有子能讀書幽懷發微吟天高風
露下澗泉落危岑神仙絕飲食穢濁無留沉所以聽夜誦共
愛風滿林神清曷以哀情長恐成淫大治昔有作九牧歸吉

金裝樞下五石工成振鴻音宣風萬物暢神祇肅有臨鳳鳥
鳴岐山人文示來今候虫入床下嗟哉苦勞心
清風拂高堂舊席忽已除下堂具甘旨上堂列琴書垂紳履
夜_五再拜問起居誦詩已三百習禮少壯餘納交君子室執
御長者車爲樂古之道誰能咲其迂

題雪泉齋

長河互凝合微泉自温活蛟龍依以生抱困待春發南雪不
到地流泉常在山飛英散絕澗流漸變潺湲融結各有方不
息在無二觀茲保深長乃得養生理濯尊薦寒冽春陽向懋
怡君子遠莫致永言以相貽

平江開元雪隱光禪師訪予臨川山中其歸也予
與賓客用一雨六月涼中宵大江滿分韻送之不
足予爲繼之而予分得一字

積雪何處高蜀山冢昔萃海東極孤絕目送斷鴻一徘徊杪
擺樹宴坐但空室園果墮宿雨當晝從定出八月露水繁石
針滿華蜜相會豈無因分床便深密

賦彭氏靜深堂

君子憺無欲淵然事幽潛貞居觀物初天機引休恬寂寂象
愚朴容容無數獸群動不知止謀思墮鈎籍反息不及踵乘
舟膠漸漸豈知本湛一不與利欲兼圖書發聖緼受命字不
占戒慎保靈秀先幾發微纖進善取損益閑存日惟嚴浩浩
厚有積悠悠浸何淹盈科以時行小人慙厲饜虛堂積雨霽
光風草侵簾空洞溥龍澤止水澄秋蟾善學在年富男哉副
遐瞻

秋山行旅圖

春夏農務急新涼事征游飯餽既盈橐治絲亦催裘升高踐

白石降觀索輕舟試問將何之結客趨神州珠光照連乘寶
劍珊瑚鈞乘馬垂首藉縱目上高丘策名羽林郎談笑覓封
侯大行何崔嵬日暮摧回軸古木多悲風長途使人愁羸驂
見木末足倦霜雪稠谷口何人耕禾麻正盈疇出門不及里
酒饌相綢繆壯者酣以歌期願醉而休安知萬里事有此十
歲憂

爲題馬竹所九歌圖

屈子又去國行吟山澤秋思君不復見婆娑感巫謳仰瞻貴
神遠俯慨深篁幽衝波起浩蕩玄雲黯綢繆初陽翳扶桑莽
蒼蕩海漚漚渺君夫人遺珉在中洲壽夭乘陰陽孰知制命
由慨然長太息悲歌寫離憂想爲公以倘况開卷令人愁

清明山房詩爲危太朴作

矯首望太清正色蒼以玄皦皦何厝厖日星高轉旋游塵雜

氛氣起滅尋丈間容光見擾擾孰與爲控搏所以學仙者凌
空怡妙顏質化入常寂凝暉托空山據會觀往來生死何足
患妙哉太朴子難爲世上言

次韻太朴良友對何仙舟讀書山中見懷之作

得謝荷休澤消搖在巖阿結廬庇風雨樊圃寒藤蘿塞坐古
人書日夕猶誅歌追念少壯日玩愒亦已多兢兢事補塞奈
此遲暮何美人百里內邈若隔山河興懷貽好音緼藉二春
花報言慎芳歲卷石崇魏我



大正十一年